

# 大智度論卷第十六

訓六

龍樹菩薩造 姚秦三藏法師鳩摩羅什譯

釋初品中毗梨耶波羅蜜之餘

問曰云何名精進相答曰於事必能起發無  
難志意堅強心無疲倦所作究竟如是等名  
精進相復次如佛所說精進相者身心不息  
故譬如釋迦文尼佛先世曾作賈客主將諸  
賈人入嶮難處是有羅刹鬼以手遮之言  
汝住莫動不聽汝去賈客主即以右拳擊之  
拳即著鬼挽不可離復次左拳擊之亦不可  
離以右足蹴之足復黏著復以左足蹴之亦  
復如是以頭衝之頭即復著鬼問言汝今如  
是欲作何等心休息未答言雖復五事被繫  
我心終不爲汝伏也當以精進力與汝相擊  
要不懈退鬼時歡喜心念此人膽力極大即

語人言汝精進力大必不休息放汝令去行  
者如是於善法中初夜中夜後夜誦經坐禪  
求諸法實相不爲諸結使所覆身心不懈是  
名精進相是精進名心數法勤行不住相隨  
心行共心生或有覺有觀或無覺有觀或無  
覺無觀如阿毗曇法廣說於一切善法中勤  
修不懈是名精進相於五根中名精進根根  
增長名精進力心能開悟名精進覺能到佛  
道涅槃城是名正精進四念處中能慇懃心  
是精進分四正慇是精進門四如意足中欲  
精進是精進六波羅蜜中名精進波羅蜜問  
曰汝先讚精進今說精進相是名何精進答  
曰是一切善法中精進相問曰今說摩訶般  
若波羅蜜論議中應說精進波羅蜜何以說  
一切善法中精進答曰初發心菩薩於一切

善法中精進漸漸次第得精進波羅蜜問曰一切善法中精進多今說精進波羅蜜已入一切善法精進中答曰爲佛道精進名爲波羅蜜諸餘善法中精進但名精進不名波羅蜜問曰一切善法中勤何以不名精進波羅蜜而獨名菩薩精進爲波羅蜜答曰波羅蜜名到彼岸世間人及聲聞辟支佛不能具足行精進是故不名爲波羅蜜復次是人無大慈大悲棄捨衆生不求十力四無所畏十八不共法一切智及無礙解脫無量身無量光明無量音聲無量持戒禪定智慧等諸善法以是故是人精進不名波羅蜜復次菩薩精進不休不息一心求佛道如是行者名爲精進波羅蜜如好施菩薩求如意珠抒大海水正使筋骨枯盡終不懈廢得如意珠以給衆

生濟其身苦菩薩如是難爲能爲是爲菩薩精進波羅蜜復次菩薩以精進力爲首行五波羅蜜是時名爲菩薩精進波羅蜜譬如衆藥和合能治重病菩薩精進亦如是但行精進不能行五波羅蜜是不名菩薩精進波羅蜜復次菩薩精進不爲財利富貴力勢亦不爲身不爲生天轉輪聖王梵釋天王亦不自爲以求涅槃但爲佛道利益衆生如是相名爲菩薩精進波羅蜜復次菩薩精進修行一切善法大悲爲首如慈父母唯有一子而得重病一心求藥救療其疾菩薩精進以慈爲首亦復如是救療一切心無暫捨復次菩薩精進以實相智慧爲首行六波羅蜜是名菩薩精進波羅蜜問曰諸法實相無爲無作精進有爲有作相云何以實相爲首答曰雖知

諸法實相無爲無作以本願大悲欲度衆生故於無作中以精進力度脫一切復次若諸法實相無爲無作如涅槃相無一無二汝云何言實相與精進相異耶汝即不解諸法相復次菩薩得神通力以天眼見三界五道衆生以失樂爲苦無色界天樂定心著不覺命盡墮在欲界中受禽獸形色界諸天亦復如是從清淨處墮還受婬欲在不淨中欲界六天樂著五欲還墮地獄受諸苦痛見人道中以十善福貿得人身人身多苦少樂壽盡多墮惡趣中見諸畜生受諸苦惱鞭杖驅馳負重涉遠項領穿壞熱鐵燒烙此人宿行因緣以繫縛衆生鞭杖苦惱如是等種種因緣故受象馬牛羊麋鹿畜獸之形婬欲情重無明偏多受鵝鴨孔雀鴛鴦鳩鷄鷺鸕鷀百舌

之屬受此衆鳥種類百千婬行罪故身生毛羽隔諸細滑觜距麤軟不別觸味瞋恚偏多受毒蛇蝮歟蚊蜂百足舍毒之蟲愚癡多故受剝蟻蟻蠍蟻𧈧鷁鷀鷂角鷀之屬諸駭蟲鳥嬌慢瞋多故受師子虎豹諸猛獸身邪慢緣故受生驢猪駱駝之中慳貪嫉妬輕躁短促故受獮猴獨饗熊羆之形邪貪憎嫉業因緣故受猫狸土虎諸獸之身無愧無慚饕餮因緣故受烏鵲鶲鷺諸鳥之形輕慢善人故受鷄狗野干等身大作布施瞋恚曲心以此因緣故受諸龍身大修布施心高陵虐苦惱衆生受金翅鳥形如是等種種結使業因緣故受諸畜生禽獸之苦菩薩得天眼觀衆生輪轉五道迴旋其中天中死人中生人中死天中生天中死生地獄中地獄中死生天上天

上死生餓鬼中餓鬼中死還生天上天上死  
生畜生中畜生中死生天上天上死還生天  
上地獄餓鬼畜生亦如是欲界中死色界中  
生色界中死欲界中生欲界中死無色界中  
生無色界中死欲界中生欲界中死欲界中  
生色界無色界亦如是活地獄中死黑繩地  
獄中生黑繩地獄中死活地獄中生活地獄  
中死還生活地獄中合會地獄乃至阿鼻地  
獄亦如是炭坑地獄中死沸屎地獄中生沸  
屎地獄中死炭坑地獄中生炭坑地獄中死  
還生炭坑地獄中燒林地獄乃至摩訶波頭  
摩地獄亦如是展轉生其中卵生中死胎生  
中生胎生中死卵生中生卵生中死還生卵  
生中胎生濕生化生亦如是閻浮提中死弗  
婆提中生弗婆提中死閻浮提中生閻浮提

中死還生閻浮提中瞿陀尼鬱怛羅越亦如  
是四天處死忉利天中生忉利天中死四天  
處生四天處死還生四天處忉利天乃至他  
化自在天亦如是梵衆天中死梵輔天中生  
梵輔天中死梵衆天中生梵衆天中死還生  
梵衆天中梵輔天少光無量光光音少淨無  
量淨遍淨阿那跋羅伽得生大果虛空處識  
處無所有處非有想非無想處亦如是非有  
想非無想天中死阿鼻地獄中生如是展轉  
生五道中菩薩見是已生大悲心我於衆生  
爲無所益雖與世樂樂極則苦當以佛道涅  
槃常樂益於一切云何而益當勤大精進乃  
得實智慧得實智慧知諸法實相以餘波羅  
蜜助成以益衆生是爲菩薩精進波羅蜜見  
餓鬼中飢渴故兩眼陷毛髮長東西馳走若

欲趣水護水諸鬼以鐵杖逆打設無守鬼水  
自然竭或時天雨雨化爲炭或有餓鬼常被  
火燒如劫盡時諸山火出或有餓鬼羸瘦狂  
走毛髮顛亂以覆其身或有餓鬼羸瘦狂  
涕唾嘔吐瀉滌餘汁或時至廁溷邊立伺求  
不淨或有餓鬼常求產婦藏血飲之形如燒  
樹咽如針孔若與其水千歲不足或有餓鬼  
自破其頭以手取腦而舐或有餓鬼形如黑  
山鐵鎖鎖頸叩頭求哀歸命獄卒或有餓鬼  
先世惡口好以麤語加被衆生衆生憎惡見  
之如讎以此罪故墮餓鬼中如是等種種罪  
故墮餓鬼趣中受無量苦痛見八大地獄苦  
毒萬端活大地獄中諸受罪人各各共鬪惡  
心瞋爭手捉利刀互相割剥以稍相刺鐵叉  
相叉鐵棒相棒鐵杖相捶鐵弗相貫而以利

詞六

六

刀互相切膾又以鐵爪而相齧裂各把身血  
而相塗漫痛苦逼切悶無所覺宿業因緣冷  
風來吹獄卒喚之咄諸罪人還活以是故名  
活地獄即時平復復受苦毒此中衆生以宿  
行因緣好殺物命牛羊禽獸爲田業舍宅奴  
婢妻子國土錢財故而相殺害如是等種種  
殺業報故受此剝罪見黑繩大地獄中罪人  
爲惡羅刹獄卒鬼匠常以黑熱鐵繩拼度罪  
人以獄中鐵斧教人斫之長者令短短者令  
長方者使圓圓者使方斬截四支却其耳鼻  
落其手足以大鐵鋸解析剝截破其肉分纏  
纏稱之此人宿行因緣讒賊忠良妄語惡口  
兩舌綺語枉殺無辜或作姦吏酷暴侵害如  
是等種種惡口讒賊故受此罪見合會大  
地獄中惡羅刹獄卒作種種形牛馬猪羊疊

鹿狹狗虎狼師子六駁大象鵝鷺鶴鳥作此種種諸鳥獸頭而來吞噉齧齧掣罪人兩山相合大熱鐵輪轢諸罪人令身破碎熱鐵曰中搗之令碎如笮蒲萄亦如壓油譬如今躁場聚肉成積積頭如山血流成池鵝鷺虎狼各來爭掣此人宿業因緣多殺牛馬猪羊麅

計六

<sup>+</sup>

鹿狐兔虎狼師子六駁大象衆鳥多相殘賊如是等種種鳥獸故還受此衆鳥獸頭來害罪人又以力勢相凌枉押羸弱受兩山相合罪慳貪瞋恚愚癡怖畏故斷事輕重不以正理或破正道轉易正法受熱鐵輪轢熱鐵曰搗第四第五名叫喚大叫喚此大地獄其中罪人羅刹獄卒頭黃如金眼中火出著赭色衣身肉堅勁走疾如風手足長大口出惡聲捉三股又箭墮如雨刺射罪人罪人狂怖叩

頭求哀大將軍小見放捨小見憐愍即時將入熱鐵地獄縱廣百由旬驅打馳走足皆焦然脂髓流出如笮蘇油鐵棒棒頭頭破腦出如破酪瓶斫刺割剥身體糜爛而復將入鐵閣屋間黑煙來熏互相推壓更相怨毒皆言何以壓我纔欲求出其門已閉大聲號呼音常不絕此人宿行因緣皆由斗稱欺誑非法斷事受寄不還侵陵下劣惱諸窮貧令其號哭破他城郭壞人聚落傷害劫剥室家怨毒舉城叫呼有時誦詐欺誑誘之令出而復害之如是等種種因緣故受如此罪大叫喚地獄中人皆坐熏殺穴居之類幽閉囹圄或闇煙窟中而熏殺之或投井中劫奪他財如是等種種因緣受大叫喚地獄罪第六第七熱大熱地獄中有二大銅鑊一名難陀二名跋

難陀鹹沸水滿中羅刹鬼獄卒以罪人投中  
如厨士烹肉人在鑊中脚上頭下譬如煮豆  
熟爛骨節解散皮肉相離知其已爛以叉叉  
出行業因緣冷風吹活復投炭坑或著沸灰  
中譬如魚出於水而著熱沙中又以膿血而  
謂六  
自煎熬從炭坑中出投之炎牀強驅令坐眼  
耳鼻口及諸毛孔一切火出此人宿世惱亂  
父母師長沙門婆羅門於諸好人福田中惱  
令心熱以此罪故受熱地獄罪或有宿世煮  
生靈或生煙猪羊或以木貫人而生炙之或  
焚燒山野及諸聚落佛圖精舍等或推衆生  
著火坑中如是等種種因緣生此地獄中見  
阿鼻地獄縱廣四千里周迴鐵壁於七地獄  
其處最深獄卒羅刹以大鐵槌槌諸罪人如  
鍛師打鐵從頭剥皮乃至其足以五百釘釘

磔其身如磔牛皮互相掣挽應手破裂熱鐵  
火車以轢其身驅入火坑令抱炭出熱沸屎  
河驅令人中中有鐵觜毒蟲從鼻中入脚底  
出從足下入口中出豎劍道中驅令馳走足  
下破碎如厨膾肉利刀劍稍飛入身中譬如  
霜樹落葉隨風亂墜罪人手足耳鼻支節皆  
被斫剥割截在地流血成池二大惡狗一名  
賒摩二名賒婆羅鐵口猛毅破碎人筋骨力  
踰虎豹猛如師子有大刺林驅逼罪人強令  
上樹罪人上時刺便下向下時刺便上向大  
謂六  
身毒蛇蠍惡蟲競來齧之大鳥長觜破頭  
敢腦入鹹河中隨流上下出則蹈熱鐵地行  
鐵刺上或坐鐵弋弋從下入以鉗開口灌以  
洋銅吞熱鐵丸入口口焦入咽咽爛入腹腹  
然五藏皆焦直過墮地但見惡色恒聞臭氣

常觸驟澀遭諸苦痛迷悶萎頓或狂逸塘捺或藏竄投擲或顛仆墮落此人宿行多造大惡五逆重罪斷諸善根法言非法非法言法實言非實非實言實破因破果憎嫉善人以是罪故入此地獄受罪最劇如是等種種八大地獄復有十六小地獄爲眷屬八寒冰八炎火其中罪毒不可見聞八炎火地獄者一名炭坑二名沸屎三名燒林四名劍林五名刀道六名鐵刺林七名鹹河八名銅礮是爲八八寒冰地獄者一名頻浮陀少多  
有孔二名尼羅浮陀無孔三名呵羅羅寒顫聲也四名阿婆婆亦

於火上炙之如是等種種因緣墮炭坑地獄中大火炎炭至膝燒罪人身若沙門婆羅門福田食以不淨手觸或先敗或以不淨物著中或以熱沸屎灌他身破淨命以邪命自活如是等種種因緣墮沸屎地獄中沸屎深廣如大海水中有細蟲以鐵爲觜破罪人頭敗腦破骨食髓若焚燒草木傷害諸蟲或燒林大獵爲害彌廣如是等種種因緣墮燒林地獄中草木必然以燒罪人若執持刀劍鬪諍傷殺若斫樹壓人以報宿怨若人以忠信誠告而密相中陷如是等種種因緣墮劍林地獄中此地獄罪人入中風吹劍葉割截手足耳鼻皆令墮落是時林中有鳥鷺惡狗來食其肉若以利刀刺人若礮若鎗傷人若斷截道路發撤橋梁破正法道示以非法道如是

寒聲亦患生中受苦也

五名睭睭亦患紅蓮花色罪人六名漚波羅此地獄外壁似青蓮花色

七名波頭摩亦患紅蓮花色罪人八名摩訶波頭摩是爲八若破清淨戒出家法令白衣輕賤佛道或推衆生著火坑中或衆生命未盡頃

等種種因緣墮刀道地獄中刀道地獄中於  
絕壁狹道中堅利刀令罪人行上而過若犯  
邪淫侵他婦女貪受樂觸如是等種種因緣  
墮鐵刺林地獄中刺樹高一由旬上有大毒  
蛇化作美女身喚此罪人上來共汝作樂獄  
卒驅之令上刺皆下向貫刺罪人身被刺害  
入骨徹髓既至樹上化女還復蛇身破頭入  
腹處處穿穴皆悉破爛忽復還活身體平復  
化女復在樹下喚之獄卒以箭仰射呼之令  
下刺復仰刺既得到地化女身復作毒蛇破  
罪人身如是久從熱鐵刺林出遇見河水  
清涼快樂走往趣之入中變成熱沸鹹水罪  
人在中須臾之頃皮肉離散骨立水中獄卒  
羅刹以叉鈎出持著岸上此人宿行因緣傷  
殺水性魚鼈之屬或時推人及諸衆生令沒

誦六

十一

水中或投之沸湯或投之冰水如是等種種  
惡業因緣故受此罪若在銅礮地獄獄卒羅  
刹問諸罪人汝何處來答言我苦悶不知來  
處但患飢渴若言渴是時獄卒即驅逐罪人  
令坐熱銅礮上以鐵鉗開口灌以洋銅若言  
飢坐之銅礮吞以鐵丸入口口焦入咽喉爛  
入腹焦然五藏爛壞直過墮地此人宿行因  
緣劫盜他財以自供口諸出家人或時詐病  
多求酥油石蜜或無戒無禪無有智慧而多  
受人施或惡口傷人如是等種種宿業因緣  
墮銅礮地獄若人墮頰浮陀地獄中其處積  
冰毒風來吹令諸罪人皮毛裂落筋肉斷絕  
骨破髓出即復完堅受罪如初此人宿業因  
緣寒月剥人或劫盜凍人薪火或作惡龍瞋  
毒忿恚放大雹雨冰凍害人或輕賤謗毀若

佛及佛弟子持戒之人或口四業作衆重罪如是等種種因緣墮阿浮陀地獄中尼羅浮陀亦如是頗浮陀少時有間暫得休息尼羅浮陀無間無休息時阿婆婆呵羅羅睺此三地獄寒風噤顫口不能開因其呼聲而以名獄滄波羅獄中凍冰夾渫有似青蓮花波頭摩狀如此間赤蓮花摩呵波頭摩是中拘伽離住處有智之人聞是驚言咄以此無明恚愛法故乃受此苦出而復入無窮無已菩薩見此如是思惟此苦業因緣皆是無明諸煩惱所作我當精進勤修六度集諸功德斷除衆生五道中苦興發大哀增益精進如見父母幽閉囹圄拷掠榜笞憂毒萬端方便求救心不暫捨菩薩見諸衆生受五道苦念之如父亦復如是復次菩薩精進世世勤修求

諸財寶給施衆生心無懈廢自有財物能盡施與心亦不懈復次精進持戒若大若小一切能受一切能持不毀不犯大如毛髮設有違失即時發露初不覆藏復次勤修忍辱若人刀杖打害罵詈毀辱及恭敬供養一切能忍不受不著於深法中其心不沒亦不疑惑復次專精一心修諸禪定能住能學得五神通及四無量心八勝處八背捨十一處具諸功德得四念處及諸菩薩見佛三昧復次菩薩精進求法不懈身心勤力供養法師種種恭敬供給給使初不違失亦不廢退不惜身命以爲法故誦讀問答初中後夜思惟憶念籌量分別求其因緣選擇同異欲知實相一切諸法自相異相總相別相一相有相無相如實相諸佛菩薩無量智慧心不退不沒

是名菩薩精進如是等種種因緣能生能辦  
種種善法是故名爲精進波羅蜜波羅蜜義  
如先說復次菩薩精進名爲精進波羅蜜餘  
人精進不名波羅蜜問曰云何爲精進滿足  
答曰菩薩生身法性身能具功德是爲精進

訓大

十三

波羅蜜滿足滿足義如上說身心精進不廢

息故問曰精進是心數法經何以名身精進  
答曰精進雖是心數法從身力出名爲身精  
進如受是心數法而有五識相應受是名身  
受意識相應受是爲心受精進亦如是身力

勤修若手布施口誦法言若講說法如是等  
名爲身精進復次行布施持戒是爲身精進  
忍辱禪定智慧是名心精進復次外事勤修  
是爲身精進內自專精是爲心精進麤精進  
名爲身細精進名爲心爲福德精進名爲身

爲智慧精進是爲心若菩薩初發心乃至得  
無生忍從是中間名身精進生身未捨故得  
無生忍捨肉身得法性身乃至成佛是爲心  
精進復次菩薩初發心時功德未足故種三  
福因緣布施持戒善心漸得福報以施衆生  
衆生未足更廣修福發大悲心一切衆生不  
足於財多作衆惡我以少財不能滿足其意  
其意不滿不能勤受教誨不受道教不能得  
脫生老病死我當作大方便給足於財令其  
充滿便入大海求諸異寶登山履危以求妙  
藥入深石窟求諸異物石汁珍寶以給衆生  
或作薩陀婆眉涉嶮道劫賊師子虎狼惡獸  
爲布施衆生故勤求財寶不以爲難藥草呪  
術能令銅變爲金如是種種變化致諸財物  
及四方無主物以給衆生是爲身精進得五

神通能自變作作諸美味或至天上取自然食如是等名爲心精進能集財寶以用布施是爲身精進以是布施之德得至佛道是爲心精進生身菩薩行六波羅密是爲身精進法性身菩薩行六波羅密是爲心精進未得身法則隨身已計大得法身計小別復次一切法中皆能成辦不惜身命是爲身精進求一切禪定智慧時心不懈倦是爲心精進復次身精進者受諸勤苦終不懈廢如說波羅奈國梵摩達王遊獵於林中見二鹿羣各有主一主有五百羣鹿一主身七寶色是釋迦文菩薩一主是提婆達多菩薩鹿王見人王大衆殺其部黨起大悲心徑到王前王人競射飛矢如雨王見此鹿直進趣已無所忌憚勅諸從人攝汝弓箭無得斷其來意鹿王既至跪白王

言君以嬉遊逸樂小事故羣鹿一時皆受死苦若以供餚當自差次日送一鹿以供王厨王善其言聽如其意於是二鹿羣主大集差次各當一日是提婆達多鹿羣中有一鹿懷子次至應送來白其主我身今日應當送死而我懷子子非次也乞垂料理使死者得次生者不濫鹿王怒之言誰不惜命次來但去何得辭也鹿母思惟我王不仁不以理恕不察我辭橫見瞋怒不足告也即至菩薩王所以情具白王問此鹿汝主何言鹿曰我主不仁不見料理而見瞋怒大王仁及一切故來歸命如我今日天地雖曠無所控告菩薩思惟此甚可愍若我不理枉殺其子若非次更差次未及之如何可遣唯有我當代之恩之既定即自送身遣鹿母還我今代汝汝勿憂

也鹿王徑到王門衆人見之憚其自來以事  
白王王亦憚之而命令前問言諸鹿盡耶汝  
何以來鹿王言大王仁及羣鹿人無犯者但  
有滋茂何有盡時我以異部羣中有一鹿懷  
子以子垂產身當俎割子亦并命歸告於我  
我以愍之非分更差是亦不可若歸而不救  
無異木石是身不久必不免死慈救苦厄功  
德無量若人無慈與虎狼亦何異王聞是言  
即從座起而說偈曰

我實是畜生 名曰人頭鹿 汝雖是鹿身

名爲鹿頭人 以理而言之 非以形爲人  
若能有慈惠 雖獸實是人 我從今日始  
不食一切肉 我以無畏施 且可安汝意  
諸鹿得安王得仁信復次如愛法梵志十二  
歲遍闡浮提求知聖法而不能得時世無佛

佛法亦盡有一婆羅門言我有聖法一偈若  
實愛法當以與汝答言實愛法婆羅門言若  
實愛法當以汝皮爲紙以身骨爲筆以血書  
之當以與汝即如其言破骨剥皮以血寫偈  
如法應修行 非法不應受 今世及後世  
行法者安隱

復次昔野火燒林林中有一雉勤身自力飛  
入水中漬其毛羽來滅大火火大水少往來  
疲乏不以爲苦是時天帝釋來問之言汝作  
何等答言我救此林愍衆生故此林蓋育處

計六  
廣清涼快樂我諸種類及諸宗親并諸衆生  
皆依仰此我有身力云何懈怠而不救之天  
帝問言汝乃精勤當至幾時雉言以死爲期  
天帝言汝心雖爾誰證知者即自立誓我心  
至誠信不虛者火即當滅是時淨居天知菩

薩弘誓即爲滅火自古及今唯有此林當獨蔚茂不爲火燒如是等種種宿世所行難爲能爲不惜身命國財妻子象馬七珍頭目髓腦勤施不倦如說菩薩爲諸衆生一日之中千死千生如檀尸忍禪般若波羅蜜中所行

如是菩薩本生經中種種因緣相是爲身精進於諸善法修行信樂不生疑悔而不懈怠從一切賢聖下至凡夫求法無厭如海吞流是爲菩薩心精進問曰心無厭足是事不然所以者何若所求事辦所願已成是則應足若理不可求事不可辨亦應捨廢云何恒無厭足如人穿井求泉用功轉多轉無水相則應止息亦如行道已到所在不應復行云何恒無厭足答曰菩薩精進不可以世間譬喻爲比如穿井力少則不能得水非無水也若

此處無水餘處必有如有所至必求至佛至佛無厭誨人不倦故言無厭復次菩薩精進志願弘曠誓度一切衆生無盡是故精進亦不可盡汝言事辦應止是事不然雖得至佛衆生未盡不應休息譬如火相若不滅終無不燒菩薩精進亦復如是未入滅度終不休息以是故十八不共法中欲及精進二事常修復次菩薩不住法住般若波羅蜜中不廢精進是菩薩精進非佛精進復次菩薩未得菩薩道生死身以好事施衆生衆生及更以不善事加之或有衆生菩薩讚美反更毀辱菩薩恭敬而反輕慢菩薩慈念反求其過謀欲中傷此衆生等無有力勢來惱菩薩菩薩於此衆生發弘誓願我得佛道要當度此惡中之惡諸衆生輩於此惡中其心不懈生大

悲心譬如慈母憐其子病惄惄不捨如是相  
是爲菩薩精進復次行布施波羅蜜時十方  
種種乞兒來欲求索不應索者皆來索之及  
索所重難捨之物語菩薩言與我兩眼與我  
頭腦骨髓愛重妻子及諸貴賚珍寶如是等  
難捨之物乞者強索其心不動慳嗔不起見  
疑心不生一心爲佛道故布施譬如須彌山  
四方風吹所不能動如是種種相是名精進  
波羅蜜復次菩薩精進遍行五波羅蜜是爲  
精進波羅蜜問曰若行戒波羅蜜時若有人  
來乞三衣鉢盂若與之則毀戒何以故佛不  
聽故若不與則破檀波羅蜜精進云何遍行  
五事答曰若新行菩薩則不能一世一時遍  
行五波羅蜜如菩薩行檀波羅蜜時見餓虎  
飢急欲食其子菩薩是時興大悲心即以身

詒六

十八

施菩薩父母以失子故憂愁懊惱兩目失明  
虎殺菩薩亦應得罪而不籌量父母憂苦虎  
得殺罪但欲滿檀自得福德又如持戒比丘  
隨事輕重擯諸犯法被擯之人愁苦懊惱但  
欲持戒不愍其苦或時行世俗般若息慈悲  
心如釋迦文尼菩薩宿世爲大國王太子父  
王有梵志師詐以不食五穀衆人敬信以爲  
奇特太子思惟人有四體必資五穀而此人  
不食必是曲取人心非真法也父母告子此  
人精進不食是世希有汝何愚甚而不敬之  
太子答言願小留意此人不以證驗自出是  
時太子求其住處至林樹間問林中牧牛人  
此人何所食敢牧牛者答言此人夜中少多  
服酥以自全命太子知已還宮欲出其證驗  
即以種種諸下藥草熏青蓮花清旦梵志入

宮坐王邊太子手執此華來供養之拜已授與梵志歡喜自念王及夫人內外大小皆服事我唯太子不見敬信今日以好華供養甚善無量得此好華敬所來處舉以向鼻嗅之華中藥氣入腹須臾腹內藥作欲求下處太子言梵志不食何緣向廁急捉之須臾便吐王邊吐中純酥證驗現已王與夫人乃知其詐太子言此人真賊求名故以誑一國如是行世俗般若但求滿智寢憐愍心不畏人瞋或時菩薩行出世間般若於持戒布施心不染著何以故施者受者所施財物於罪不罪於瞋不瞋於進於怠攝心散心不可得故復次菩薩行精進波羅蜜於一切諸法不生不滅非常非無常非苦非樂非空非實非我非無我非一非異非有非無盡知一切諸法因

緣和合但有名字實相不可得菩薩作如是觀知一切有爲皆是虛誑心息無爲欲滅其心唯以寂滅爲安隱爾時念本願憐愍衆生故還行菩薩法集諸功德菩薩自念我雖知諸法虛誑衆生不知是事於五道中受諸苦痛我今當具足行六波羅蜜菩薩得生報神通亦得佛道三十二相八十種好一切智慧大慈大悲無礙解脫十力四無所畏十八不共法三達等無量諸佛法得是法時一切衆生皆得信淨皆能受行愛樂佛法能辦是事皆是精進波羅蜜力是爲精進波羅蜜如佛所說菩薩精進不見身不見心身無所作心無所念身心一等而無分別所求佛道以度衆生不見衆生爲此岸佛道爲彼岸一切身心所作放捨如夢所爲覺無所作是名寂滅

諸精進故名爲波羅蜜所以者何知一切精進皆是邪僞故以一切作法皆是虛妄不實如夢如幻諸法平等是爲真實平等法中不應有所求索是故知一切精進皆是虛妄雖

大智度論卷第十六

切 捲 檢 切 摭 淪 切  
榜 蒲 同 與 骨 搶 汤 肉 中  
笞 庚 禁 切 徒 郎 鍛  
捶 口 巨 搶 切 治 丁  
打 笞 閉 禁 捲 切 貫 金  
也 丑 也 切 觸 摭 也  
知 淚 漢 什 碟 切  
漬 疾 協 汗 僵 芳 陝  
潤 智 切 即 也 遇 張  
也 切 汗 涉 安 頭 裂  
牒 波 漢 切 烏 鉗 巨  
貌 達 擂 切 割 鋒 鹽  
榜 笞